



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 34. Martini Del-Rio mors.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

contemnunt. In secundo vehementer declamat contra illam perniciosam licentiam, qua quivis typo, quem cæcum & quæstus famelicum appellat, libros pietati, Religioni & moribus noxios committere permittitur. In tertio dialecticam ad confundendos hæreticos oppido necessariam censens, eam a Theologis negligi & a Jureconsultis contemni deplorat: postremas Franciæ & Germaniæ calamitates inde exortas afferit, quod Episcopi nec pietate nec doctrina præstantes fuerint; hinc præprijis in Theologiæ studio summam Divi Thomæ prælegendam, postea Ecclesiasticæ Antiquitatis monumenta, Conciliorum decreta, Historiam Ecclesiasticam & Sanctorum Patrum opera & juris Canonici decreta sedulo perlustranda suadet. Demum Concilii Florentini editioni præmittit adhortationem ad Græcos, ubi de eorum schismate satis erudite discurret.

Sæc. XVII.
A. C. 1608.

§. XXXIV.

Martini Del-Rio mors.

Non minus claram eruditionis famam post se reliquerat Martinus Antonius Del-Rio, qui Hispani ac prædivitis Nobilis Filius anno Christi millesimo quingentesimo quinquagesimo primo

Dupin. l. c.

pag. 39.

Alegambe

Bibl. S. J.

Langesfeld

in vita Mart.

Delrio Mi-

moræus Script.

Sæc. XVII.

Z 2

Sæc. XVII. mo Antwerpiae natus a teneris indo-
A. C. 1608. lem ad literas valde propensam exhibebat, atque in patria sua humanioribus literis imbutus Parisiis Rhetoricæ & Philosophiæ præcepta Magistro Melodonato hauriebat, inde in Belgium reversus post exulta Duaci & Lovanii per studia Salmanticæ Lauream doctoralem emeritus est. Postea Brabantii Senatus Consiliarius, supremus Belgici exercitus Prætor, Vice - cancellarius Brabantinus, Fiscique Proeurator selectus alia adhuc hujus Provinciæ munia obibat, quas tamen dignitates post exortos Belgii tumultus Anno salutis millesimo quingentesimo octogesimo deposuit, ac ferme triginta annos natus Vallisoleti Societatem ingressus est, ubi eruditionem suam Philosophicam & Theologicam Lovanii, Moguntiae, Duaci, Leodii, Grætii & demum Salmanticæ anno post Christum natum millesimo sexcentesimo quarto ad Auditorum utilitatem impendit: inde vero Lovanium revocatus tertia post adventum suum die decima nona Octobris obiit.

§. XXXV.

*Ejusdem Scriptoris opera, ac de his
 judicium.*